



ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

27 նոյեմբերի 2017 թ.

N 194-Ն

ք.Ստեփանակերտ

ՕՏԱՐԵՐԿՐՅԱ ՊԵՏՈՒԹՅՈՒՆՆԵՐԻՑ ՆԵՐՄՈՒԾՎՈՂ ԵՎ ԱՐՑԱԽԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ ՏՈՎՄԱՅԻՆ ԵՐԻՆՋՆԵՐԻ ԱՐԺԵՔԻ ՄԱՍՆԱԿԻ ՍՈՒՔՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ

«Իրավական ակտերի մասին» Լեոնային Ղարաբաղի Հանրապետության օրենքի 13-րդ հոդվածին համապատասխան՝ Արցախի Հանրապետության կառավարությունը **որոշում է**.

1. Հաստատել օտարերկրյա պետություններից ներմուծվող և Արցախի Հանրապետությունում ձեռքբերվելիք տոհմային երինջների արժեքի մասնակի սուբսիդավորման կարգը՝ համաձայն հավելվածի:

2. Արցախի Հանրապետության գյուղատնտեսության նախարարությանը՝ տնտեսական տարին ավարտելուց հետո՝ մեկամսյա ժամկետում Արցախի Հանրապետության կառավարություն ներկայացնել հաշվետվություն՝ սույն որոշման հիման վրա կատարած աշխատանքների և իրականացրած միջոցառումների մասին:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից, իսկ գործողությունը տարածվում է 2017 թվականի մայիսի 1-ից հետո ծագած հարաբերությունների վրա:

«Հաստատում եմ»

ԱՐՑԱԽԻ ՀԱՆՐԱՊԵՏՈՒԹՅԱՆ
ՆԱԽԱԳԱՀ

Բ.ՍԱՀԱԿՅԱՆ

ԿԱՐԳ

ՕՏԱՐԵՐԿՐՅԱ ՊԵՏՈՒԹՅՈՒՆՆԵՐԻՑ ՆԵՐՄՈՒԾՎՈՂ ԵՎ ԱՐՑԱԽԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ ՏՈՀՄԱՅԻՆ ԵՐԻՆՋՆԵՐԻ ԱՐԺԵՔԻ ՄԱՍՆԱԿԻ ՍՈՒՐՍԻԴԱՎՈՐՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կանոնակարգվում են տեղական նախրի բարելավման և մթերատվության բարձրացման նպատակով օտարերկրյա պետություններից ներմուծվող և Արցախի Հանրապետությունում ձեռքբերվելիք տոհմային երինջների արժեքի մասնակի սուբսիդավորմանն ուղղված միջոցառումների (այսուհետ՝ միջոցառում) իրականացման հետ կապված հարաբերությունները:

2. Սույն կարգի իմաստով օգտագործվող հիմնական հասկացություններն են՝

1) **հայտապրու՝** տոհմային երինջ ձեռք բերելու նպատակով Արցախի Հանրապետության գյուղատնտեսության նախարարություն (այսուհետ՝ նախարարություն) դիմած ֆիզիկական կամ իրավաբանական անձ, անհատ ձեռնարկատեր:

2) **օտարերկրյա պետություններից ներմուծվող տոհմային երինջ՝** սահմանված կարգով գրանցված խոշոր եղջերավոր կենդանիների ջերսեյ ցեղատեսակին պատկանող տավարի ընդհանրապես չծննդաբերած հղի էգ առանձնյակ:

3) **տոհմային երինջի արժեք՝** տոհմային երինջի կենդանի քաշի 97 տոկոսը (3 տոկոսը չի հաշվարկվում՝ հաշվի առնելով կենդանու աղեստամոքսային ուղու պարունակությունը) բազմապատկած շուկայական գնով:

6) **տոհմային երինջի արժեքի մասնակի սուբսիդավորում՝** տոհմային երինջի արժեքի մասնակի փոխհատուցում:

7) **փակ պահվածք՝** անասնապահական մթերքների արտադրության շահավետ կազմակերպման, արտադրության ծավալի ավելացման, կենդանիների մթերատվության բարձրացման, նրանց անկորուստ վերարտադրությունն ապահովելու նպատակով տոհմային երինջն ամբողջ տարվա ընթացքում անասնաշենքերում և կից մեկուսացված տարածքում պահելը՝ բացառելով տոհմային երինջի տեղափոխումը հեռավոր արոտներ:

II. ՍՈՒՐՍԻԴԱՎՈՐՄԱՆ ԳՈՐԾԸՆԹԱՑԻ ԿԱԶՄԱԿԵՐՊՈՒՄԸ

3. Նախարարությունը համակարգում և վերահսկողություն է իրականացնում միջոցառման իրականացման գործընթացի նկատմամբ:

4. Հայտատուները նախարարության կողմից նշված ժամկետում նախարարություն են ներկայացնում հայտ՝ համաձայն N 1 ձևի՝ նշելով գործունեության իրականացման վայրի, պայմանների ու տոհմային երինջների պահանջարկի մասին տեղեկությունները:

5. Մասնակի սուբսիդավորման ենթակա է ձեռքբերվելիք տոհմային երինջի արժեքի 35 տոկոսը: Տոհմային երինջի արժեքի 22,75 տոկոսը հայտատուների կողմից վճարվում է որպես կանխավճար, իսկ մնացած 42,25 տոկոսը տրամադրվում է Լեռնային Ղարաբաղի Հանրապետության գյուղի և գյուղատնտեսության աջակցության հիմնադրամի (այսուհետ՝ հիմնադրամ) միջոցով, անտոկոս փոխառության տեսքով, երեք տարի մարման ժամկետով և տոհմային երինջը երեք տարի փակ պահվածքով պարտադիր պահելու պայմանով: Հայտատուների կողմից կանխավճարն վճարվում է հիմնադրամին՝ անտոկոս փոխառության պայմանագրերը կնքելու պահին:

6. Փակ պահվածքով տոհմային երինջը երեք տարի չպահելու կամ անփույթ պահելու հետևանքով դրանց անկման դեպքում հայտատուների կողմից տոհմային երինջի չսուբսիդավորված արժեքը՝ հաշվանցած մինչև անկումը մարված փոխառության գումարը, ենթակա է վերադարձման պետական բյուջե անկումը հայտնաբերելուց երեք ամսվա ընթացքում:

Տոհմային երինջի հարկադիր սպանդը կամ հիվանդության պատճառով խոտանումը պետք է հիմնավորված լինի համայնքը սպասարկող անասնաբույժի ակտով:

7. Նախարարությունը հայտերի ներկայացման վերջնաժամկետից հետո տասնօրյա ժամկետում ընդհանրացնում և հիմնադրամ է ներկայացնում տեղեկություններ՝ տոհմային երինջների ձեռքբերման պահանջարկի մասին:

8. Հիմնադրամը՝

1) օտարերկրյա պետության հետ կնքում է տոհմային երինջների ձեռքբերման պայմանագրեր.

2) հիմք ընդունելով սույն կարգի 7-րդ կետում նշված տեղեկությունները՝ հայտատուների հետ կնքում է տոհմային երինջների ձեռքբերման համար անտոկոս փոխառության պայմանագրեր՝ նախատեսելով սույն կարգի 5-րդ և 6-րդ կետերից բխող պայմանների կատարումը սահմանող դրույթներ.

3) յուրաքանչյուր խմբաքանակի տրամադրումից հետո, տասնօրյա ժամկետում նախարարություն է ներկայացնում տեղեկություններ տոհմային երինջների ձեռքբերման և անտոկոս փոխառությունների տրամադրման ուղղությամբ կատարած աշխատանքների մասին:

9. Նախարարությունը՝ հիմք ընդունելով սույն կարգի 8-րդ կետի 3-րդ ենթակետում նշված տեղեկությունները, իրականացնում է սույն կարգի 5-րդ կետում նշված սուբսիդավորումը՝ հիմնադրամին տրամադրելով անհրաժեշտ ֆինանսական միջոցներ 2017 թվականի պետական բյուջեում նախատեսված համապատասխան միջոցներից:

10. Գործունեության իրականացման վայրի փոփոխության դեպքում հայտատուները պարտավոր են գրավոր տեղեկացնել նախարարությանը:

11. Արցախի Հանրապետության անասնաբուժական սպասարկման կայանները՝ միջոցառման իրականացման գործընթացի վերահսկման նպատակով յուրաքանչյուր ամիս, մինչև տվյալ ամսվանը հաջորդող ամսվա տասը, նախարարություն են ներկայացնում տեղեկություններ՝ անասնաբուժության զարգացման և մթերատվության բարձրացման նպատակով տրամադրված տոհմային երինջների և դրանց պահվածքի մասին՝ համաձայն N 2 ձևի:

**III. ՍՈՒՔՍԻ ԴԱՎՈՐՄԱՆ ԳՈՐԾԸՆԹԱՑԻ ԻՐԱԿԱՆԱՑՈՒՄԻՑ
ԱԿՆԿԱԼՎՈՂ ԱՐԴՅՈՒՆՔՆԵՐԸ**

12. Օտարերկրյա պետություններից ներմուծվող և Արցախի Հանրապետությունում ձեռքբերվելիք տոհմային երինջների արժեքի մասնակի սուբսիդավորման գործընթացի իրականացումից ակնկալվող արդյունքներն են՝

- 1) կենդանիների մթերատվության մակարդակի բարձրացում.
- 2) բարելավված և տոհմային բարձր մթերատու հատկանիշներով օժտված տնտեսությունների ցանցի ձևավորում.
- 3) անասնաբուծության վարման ինտենսիվ տեխնոլոգիաների ներդրման հնարավորություն.
- 4) գյուղական վայրերում վերամշակման նոր ձեռնարկությունների ստեղծման համար նպաստավոր պայմանների ապահովում.
- 5) անասնաբուծության մասնագիտացման շնորհիվ բնական կերահանդակների առավել արդյունավետ օգտագործում.
- 6) գյուղական վայրերում նոր աշխատատեղերի ստեղծում.
- 7) անասնաբուծական մթերքների ինքնաբավության մակարդակի բարձրացում:

**ԱՐՅԱԽԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ
ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ
ԿԱՌԱՎԱՐՉՈՒԹՅԱՆ ՊԵՏ-ԱՇԽԱՏԱԿԱԶՄԻ
ՂԵԿԱՎԱՐԻ ԱՌԱՋԻՆ ՏԵՂԱԿԱԼ**

Ա. ԼԱԶԱՐՅԱՆ

Արցախի Հանրապետության
գյուղատնտեսության նախարարություն

Հ Ա Յ Տ

Դիմող _____
(Ֆիզիկական կամ իրավաբանական անձ, անհատ ձեռնարկատեր)

Բնակության վայրը (գտնվելու վայրը),
հեռախոսահամարը _____

Անձնագրի և հանրային ծառայությունների համարանիշի
կամ սոցիալական քարտի համարը _____

Պետական գրանցման վկայականի համարը _____

ՀՎՀՀ _____

Գործունեության իրականացման վայրը _____

Դիմում եմ Ձեզ Օտարերկրյա պետություններից ներմուծվող և Արցախի
Հանրապետությունում ձեռքբերվելիք տոհմային երինջների արժեքի մասնակի
սուբսիդավորման կարգի համաձայն

(տոհմային երինջի ցեղը և քանակը)

ձեռք բերելու նպատակով:

Հայտին կից ներկայացվում են՝

1. _____
2. _____
3. _____
4. _____
5. _____
6. _____

(անուն, ազգանուն(անվանում))

(ստորագրությունը)

Կ.Տ.

ՏԵՂԵԿՈՒԹՅՈՒՆՆԵՐ

ԱՀ _____ շրջանում անասնաբուծության զարգացման և մթերատվության բարձրացման նպատակով տրամադրված տոհմային երինջների և դրանց պահվածքի գնահատականի մասին

Հ/Հ	Հայտատուի Ա.Ա.Հ. (անվանումը)	Գործունեության վայրը՝ համայնք, գյուղ	Հեռախոս	Տրամադրված տոհմային երինջի համարը	Տրամադրված տոհմային երինջի ցեղը	Տրամադրման ամիս, ամսաթիվ	Պահվածքի գնահատականը	Ծանոթություն

Անասնաբուժական սպասարկման կայանի տնօրեն՝

 Ա.Ա.Հ

Կ.Տ.